



REPUBLIKA E SHQIPËRISË
BASHKIA SHKODËR
KËSHILLI BASHKIAK

PROCES VERBAL PËR KËSHILLIM ME PUBLIKUN

PËR

“DRAFTIN E PROJEKT PLANIT BUXHETOR AFATMESËM 2024-2026 TË
BASHKISË SHKODËR”.

Konsultim publik : Rajoni nr.4.

Data : 25.10.2023

Ora : 15:00

Vendi: Salla e Këshillit bashkiak

Numri i pjesëmarrësve : *Numri i pjesëmarrësve 38, nga të cilat 8 gra, dhe 30 burra.*

Titulli i Projekt-aktit që konsultohet : *Për draft projekt planin buxhetor afatmesem 2024-2026 të Bashkisë Shkodër.*

Pjesëmarrës : Drejtues dhe specialistë të administratës së Bashkisë Shkodër dhe banorë (Bashkangjitur listë prezenca).

Takimi drejtohet nga Kryetari i Këshillit Bashkiak i cili bën një prezantim të shkurtër në lidhje me :

- ✦ Projekt-aktin e propozuar
- ✦ Shpjegoi qëllimin e konsultimit publik
- ✦ Shtroi pyetjet konkrete për pjesëmarrësit
- ✦ Dha informacion për mënyren e dhënies së rekomandimeve.
- ✦ Ju dha fjalën pjesëmarrësve

Pjesëmarrësit që morrën fjalën dhe diskutuan dhe dhanë rekomandimet përkatëse në lidhje me çështjen që konsultohet janë si vijon :

Fjalën e merr **Z.Zaim Camaj**, banor lagjja Manush Alimani , bldv. Mehmet Pashë Plaku I cili shprehet se tek pallati nr. 112/1 apartamenti 12 është dëmtuar suvaja ka rrezik për jetën e banorëve dhe kalimtarëve. Kjo është një ndërhyrje emergjente pasi paraqet rrezikshmëri të lartë. Duke qenë se po bëhen rikualifikime të pallateve me veshje kapotë kërkoj që edhe ky pallat të futet në listën e objekteve që do investohet. Është pallat në hyrje të bulevardit duke patur edhe impakt viziv për të gjithë.

Zv/Kryetari Z.Onid Bejleri shprehet se rajoni nr. 4 është përfitues për investimet në pallate për efçence energjie, një pjesë e pallateve ku do ndërhyhet është zona Parruce –Xhabije. Në një moment të dytë patjetër që edhe bulevardi Mehmet Pashë Plaku do ketë ndërhyrje. Megjithatë kjo është edhe detyrë e banorëve të pallateve sepse jo vetëm Bashkia duhet të ndërhyjë në mirëmbajtje. Me përcaktimin e administratorëve do të ketë edhe një formë tjetër menaxhimt të pallateve dhe ndërhyrjeve me bashkepunimin e banorëve.

Znj.Bukurie Tuzi thotë se në Lagjen Vekshar, rruga Foljeta ka mbi 25 familje dhe nevojë emergjente për ndërhyrje.

1. Në prag të rreshjeve kemi problem me ujin që vjen nga kodrat dhe futet në oborret e shtëpive.
2. E gjitha lagjja Vekshar është me gropa septike dhe kemi nevojë për kanalizime të ujrave të zeza.
3. Mungon edhe ndriçimi i rrugës.
4. Ka nevojë për verifikim të nevojës për asfaltim dhe sistemim të rrugës.

Znj.Brunilda Dibra, banore lagjja Manush Alimani tek pallatet parafabrikat përballë shkollës së ndërtimit shprehet se:

1. Trotuari në njërin krah është i mjaftueshëm ndërkohë që trotuari në krahun e majtë mungon në shumë pjesë (pranë Medreses, pranë shkollës së ndërtimit etj.) Duhet të ndërhyhet tek bizneset për të liruar trotuaret dhe të bëhet rikualifikimi i tyre.
2. Bumet në blvd. Mehmet Pashë Plaku janë të rrezikshme dhe burim aksidentesh prandaj duhet të rishikohen (të gjindet një mënyrë tjetër për kufizimin e shpejtësisë)
3. Fasadat e pallateve në këtë bulevard, i cili tashmë është hyrje kryesore e qytetit kanë nevoja të mëdha për rikualifikimin pse jo edhe me bashkëpunimin e komunitetit. Së paku lysterja e pallateve duhet të realizohet nga Bashkia.
4. Pusetat anësore të rrugës nuk kanë rrjeta dhe gjethet shpesh l bllokojnë ato. Duhet të vlerësohet nevoja për të vendosur rrjeta dhe siguruar që keto puseta të mos bllokohen.

Kryetari i Këshillit Bashkiak **Z.Luli** sqaron se në këshill do të kalojë një rregullore sa i perket hapësirave publike ku çdo shkelje ndaj interesit publik dhe zënie të hapësirave publike do të ketë një përgjigje në këtë rregullore duke filluar nga gjobat dhe sistemimi i kësaj situate. Kurse në lidhje me gjelbërimin, operatori ekonomik që zbaton kontratën duhet që të zbatojë sipas rregullit edhe hedhjen e ketyre mbetjeve.

Zv/Kryetar Z.Onid Bejleri shton gjithashtu se ka një ligj të veçantë që parashikon pjesën e ndërhyrjeve në mirëmbajtjen e pallateve dhe bashkëpronësisë ku mirëpërcaktohet detyrimi i pronarëve për të mirëmbajtur fasadat e pallatit.

Z.Myzafer Shabani, banor në lagjen e vjetër Qafë thotë se janë lagje me shumë banorë dhe kanë nevojë për :

1. Ndriçim në zonën e tyre.
2. Kanalizimet e Ujërave të zeza dhe të bardha.
 1. Asfaltimin e 300 metra rruge.
 2. Ka nevojë për rrjet ujësjellësi sepse edhe puset janë të dëmtuara tashmë nga ujrati e zeza dhe gropat septike.
 3. Edhe për investimin që po realizohet në Xhamin e Plumbit duhet të verifikohen kanalizimet e ujërave të bardha.

Znj.Albana Ndoja, zv/drejtoreshë shkollë Kol Idromeno shprehet se gjimnazi funksionon me kohë të plotë dhe të pjesshme me rreth 400 nxënës, jemi drejtuar disa herë Bashkisë Shkodër për një investim në këtë shkollë sepse ka nevojë për ndërhyrje në suvatime, lysterje, shtrime etj. Nuk ka hapësira sportive dhe as mjedise informatike apo laboratore. Kemi gjithashtu nxënës PAK që nuk kanë mundësi akses në shkollë. Edhe sinjalistika pranë shkollës duhet të jetë me e mirë duke qenë se ka shumë fluks nxënësish. Për më tepër patrullimi nga ana e policisë duhet të jetë i vazhdueshëm sepse problematikat janë të shumta.

Kryetari i Këshillit Bashkiak shprehet se që me mandatin e kaluar kemi diskutuar nevojën për investim në këtë shkollë me vlerën e projektit rreth 800 mijë euro dhe është aplikuar pranë Ministrisë së Arsimit.

Z.Dritan Duhani, banor rajoni nr.4 shprehet se në rrugën ku banon ka një kolektor që sjell problematika të vazhdueshme, është i dëmtuar dhe bashkohen edhe ujrati e zeza me të.Po ashtu:

1. Ka nevojë për pastrim sepse nuk është ndërhyrë asnjëherë.
2. Duhet të mbyllet sepse është i zbuluar dhe krijon rrezik për fëmijët dhe banorët.
3. Edhe ndriçimi mungon në këtë rrugë.

Z.Alfred Luleta përgjigjet që është një pjesë e kolektorit që ka mbetur i zbuluar në vite, ka nevojë për projekt për të investuar dhe është prioritarë ndërhyrja në të.

Banor, rruga e Koplikve merr fjalën dhe thotë se:

1. Hyrja e pallatit nr.871, kati i parë i pallatit është i amortizuar dhe futen qentë endacakë atyduke krijuar shumë problem për banorët e pallatit, si për higjenën por edhe rrezikshmerinë.
2. E gjithë fasada e pallatit është drejt degradimit dhe duhet ndërhyrë për rikualifikimin e tij.

Tjetër shqetësim i tij është zona e pedonale së molos, nuk ka lojra apo mjedise ku fëmijët mund të luajnë dhe të kenë hapësira pushimi.

Zv/kryetari shprehet se në lidhje me hapësirat publike kemi një projekt madhor për hyrjen e qytetit por edhe projekte për brenda lagjeve. Do shtohen kështu hapësirat sportive dhe të gjelbërta.

Z.Gani Leku, banor lagjja Qafë (pranë Kalasë) shprehet se rreth 200 metra rrugë drejt degës së dikurshme ushtarake ka nevojë për ndërhyrje. Po ashtu ka nevojë për,

1. Asfaltim dhe kanalizime.
2. Rrjet ujësjellesit sepse është i amortizuar.
3. Të vendosen edhe tabela orientimi turistike informuese për orientimin e turistëve.

Investimi në këtë zone ka shumë impakt si për banorët por edhe për numrin e lartë të turistëve që vizitojnë kalanë.

Z.Firdus Osmanaga, banor pranë pallatit përballë Jumbo shprehet se:

1. Sheshi i pallatit ka qenë i sistemuar dhe me hapësira parkimi por tashmë janë dëmtuar nga një privat dhe është vendosur edhe një kufizues.
2. Nuk ka hapësira parkimi për ne banorët dhe zona ka shumë fluks makinash nga bizneset, ndërkohë ne rezidentët nuk kemi hapësira parkimi.

Zv/Kryetari sqaron se është duke përfunduar plani i mobiliteti për të gjithë qytetin dhe eëhtë po vlerësohet mundësia për pajisje me kartë rezidenti.

Z.Muharrem Sakti, banor lagjja Qafë shprehet se:

1. Kanali i ujrave të zeza është problem emergjent për rrugën Qafë.
2. Gjithashtu edhe asfaltimi i rrugës, ku s'mund të kalojnë as makinat aq më pak zjarrfikëset apo ambulanca.
3. Ka nevojë për instalimin e rrjetit të ujësjellësit.
4. Të vendosen edhe kontenier për mbetjet.

Z.Arben Kallaci, administrator Rajoni nr.4 shprehet se e gjithë zona është për investim total të rrugës duke filluar me kanalizimet dhe tek asfaltimi. Ka rreth 40 familje dhe ndërhyrja është emergjente. Do të verifikojmë edhe me shërbimet publike mundësinë e vendosjes së koshave për mbetjet.

Z.Jetmir, banor në Draçin pranë nënstacionit elektrik, rruga Mehmet Gjyli shprehet se:

Jemi rreth 25-30 familje që kemi nevojë për të realizuar asfaltimin e rrugës në shërbim të këtyre familjeve. Po ashtu kemi nevojë për kanalizime të ujrave të bardha dhe të zeza.

Zv/Kryetari thotë se kjo rrugë është pjesë e investimit nga FSHZH dhe përpara asfaltimit do të bëhet edhe ndërtimi i rrjetit kanalizimeve.

Znj.Antonjeta Pero, banore lagjja nr. 4 shprehet se nuk kemi një çerdhe për fëmijët. Jemi lagje me shumë banorë. Në shkollën Ali Lacey mund të krijohen mjedise të krijohen përshtatshme për një çerdhe. Është një shërbim shumë i nevojshëm për familjaret dhe numrin e lartë të banorëve .Të shikohet mundësia e planifikimit të këtij investimi.

Znj.Kejda Mataj, drejtore shkolla 3 Dhjetori kërkon të verifikohet situata nga dr. përkatëse për shtesë strukturë, vendosje të sinjalistikës dhe vënie në funksion të ashensorit dhe alarmit. Ajo shton se ka:

1. Problematika sa i përket rrugicës hyrëse - dalëse të shkollës pasi ka nevojë për sinjalistikë vertikale dhe horizontale.
2. Është investuar për një ashensor dhe sistemi sigurie alarm nga zjarri por nuk është funksional. Kërkojmë që të verifikohet mundësia për të vënë në funksion këto dy investime të realizuara. Janë të domosdoshme këto dy investime për shkollën speciale.
3. Duhet të shtohet një punonjës mbështetës për kryerjen e shërbimeve ndaj fëmijëve.
4. Gjithashtu personi/ punonjësi mbështetës duhet të shoqërojë fëmijët edhe gjatë transportit sepse nuk mund të kryhet mbështetja e fëmijëve nga shoferi.
5. Kërkesë afatgjatë është rikonceptimi i kësaj shkolle dhe shërbimit që jepet në të sepse është një aset i nevojshëm për përfshirjen sociale në Shkodër. Duke qenë se ka ambiente mund të shtohen shërbime të ndryshme mbështetëse në këtë shkollë (logopedi, fizioterapi, kurse zhvillimi të fëmijëve etj.)

Z.Zamir Mallani, banor pranë ZVA Shkodër thotë se është pronar i një biznesi në krah të rrugës së biçikletave, dhe ndjehet i penguar nga korsitë e bëra të biçikletave sepse nuk ka akses në biznes ashtu edhe për furnizim. Po ashtu në pallati ku banon ka probleme me shkarkimet e ujrave të bardha të cilat depozitohen poshtë pallatit dhe ka shumë problem nga bashkimi i ujrave të bardha dhe ëe zeza duke krijuar probleme me higjienën dhe lageshtirën.

Znj.Manjola Tuzi, banore në lagjen Xhabije shprehet se pranë Argentit janë dy servise makinash dhe një lavazh ku i gjithë sheshi është i dëmtuar dhe duhet rikualifikuar ose asfaltuar. Po ashtu edhe tek hyrjet e pallateve parafabrikate rruga mbushet me ujë, duke u bërë e pakalueshme.

Z.Muharrem Shkjau, anëtar i Këshillit Bashkiak shprehet se duke qenë vetë banor i këtij rajoni, vërej që zonat e Draçin, Tepe, Ajasëm, Lukuçesme, Vekshar kanë marr më pak investime se e gjithë Shkodra. Prandaj kërkohet vëmendje edhe për këtë pjesë të qytetit. Kërkoj nga ana e juaj që të shikohet ndarja e fondeve për keto lagje në asfaltim, ndërim, rrjete kanalizimesh dhe rrjete ujësjellësi. Të ngrihet komision për verifikimin në vend të infrastrukturës në këtë zonë dhe të bëhen reale nevojat e kësaj zone.

Znj.Brunilda Dibra kërkon që të vendoset një pikë kontakti për sa i përket marrjes së nevojave dhe ankesave nga ana e banorëve sepse jo të gjithë arrijnë të gjejnë kontakt interneti apo të vinë në Bashki.

Znj.Valjeta Golemi, Këshilltare Këshilli bashkiak dhe banore tek pallati me hark në bulevardin Mehmet Pashë Plaku shprehet se suvatimi ka shembje dhe ka rrezik për banorët dhe kalimtarët, duhet ndoshta me fondet e bashkisë të behet një ndërhyrje sa më shpejt pasi është ndërhyrje emergjente.

Zv/Kryetari përgjigjet se do shohim mundësinë për të investuar në këtë fasadë. Por edhe në vijim do të ketë edhe skema financimesh të tjera për të nxitur bashkëpunimin me privatin për ndërhyrje të tilla.

Pyetje dhe diskutime të tjera nuk ka kryetari i keshillit bashkiak falenderon të pranishmit dhe deklaron të mbyllur takimin.

Zbardhi process verbalin :

Bekim Mema

Irma Sulishti



SEKRETAR

Denis LESH









DEGJESE PUBLIKE PBA 2024-2026 BASHKIA SHKODER

LAGJJA/RAJONI : NR.4

LISTE PREZENCE

Aktiviteti: _____

Nr.	Emri Mbiemri	LAGJJA/FSHATI	Kontakt	e-mail	Firma
	Finëllus Osmayga	4	0682236777		
	Oristan Turhani	4	0692050554		
	Romunë Kollari	4	0695571655		
	Ylli Veseli	4	0692556662		
	Ervinur Spallga	4	0692081616		
	Mehmet Kacroni	4	0684024401		
	Gjerasi Leka	4	0698786373		
	Waqiri Dallgo	4	06942308		
	Ahmet Leka	4	0692817249		

Nr.	Emri Mbiemri	LAGJA/FSHATI	Kontakt	e-mail	Firma
	Besri Cengi	L R E 4			
	Muharremi Lajç	L MR 4			
	Enis Sogd	L MR 4			
	Mikollë	Shkollë			
	Leonell	Yraja			
	Albana Ndoja	Shkollë "Kole Idromeni"			
	Marija Tazi	Xhalije (4)			
	Edmir Bushi	DRACIN			
	Judit Reka	DRACIN			
	Agim Reda	DRACIN			
	FLORINDRI	DRACIN			
	Antony'ca Pero	Lajç 4			
	Drini Bustash	Lajç 4	067 2020282		
	Agim Hysaj				
	Lulzim Lulaj	R 4			
	Adriatik SHP	R 4			
	Raustem Fazlari	R 4			
	Kije Mhilli	R 4			

